

دعوة ودعاء 5\6 فريد الأنصاري irasnAla diraF

فريد الأنصاري

يخفون قضية الاسم الحقيقي لساحة الهديم. انها ساحة المهدي هو ان باب منصور هو اكبر محراب للصلاة في العالم الإسلامي. انا وصلتني شي رسالة من شي واحد باين مسكين شي حاجة فمخو ماشي ماريقلها - [00:00:00](#)

يعني كيقول بأنه المهدي المنتظر راه تولد قالك فمكتناس تسناو فقلت يعني بحال هاد الأمور هادي ماشي عادية واخا فيها الخريف ماشي عادية هذا واضح جدا هذا يعني الناس لي فتنوا بعقيدة الروافض - [00:00:13](#)

يطلقو هادشي هدا وهما يعني يعني الكذب صناعتهم هاديك هاديك هي حرفتهم والخرافة والخرافة دينه. ماشي معروف فذلك مما هي ساحة المهدي ولا ساحة الهديم ولا هادشي كلو حنا عندنا زايد ناقص كلو نهائيا - [00:00:30](#)

المهدي واضح جدا انه رجل صالح من هذه الامة وانه سيكون مصلحا فيما بين يدي قيام الساعة والأمور ديالو واضحة في الكتاب والسنة وتفصيله في سنة النبي عليه الصلاة والسلام بما ثبت في صحيح البخاري ومسلم وكتب السنن نؤمن بهذه - [00:00:48](#)

حقيقة كما وردت بلا زيادة وبلا خرايف ثم بعد ذلك الاشتغال بهذه الأمور احد امرين اما انه كيكون الدوافع ديالو سياسية لتمرير عقيدة فاسدة وهادشي لي كنرجح شخصا او انه يعني واحد النوع ديال التنفيس المرضي في صحي - [00:01:06](#)

على بعض القلوب المريضة. وهذا كيوقع في التجاوب. يعني انه كتلقى بعض الشباب كيتجاوب مع هادشي علاش ؟ لأنه عندو واحد العقدة نفسية وكيعالجها بواحد الأسلوب لا ماشي هداك هو الأسلوب - [00:01:31](#)

انا نبين المقصود اشنو هو يعني الشعور بالهزيمة. معروف هادشي في علم النفس الاجتماعي. الشعور بالهزيمة كيخلي الإنسان يعني كيرفض الواقع وحقيقة الأمة محطمة مظلومة والطغيان العالمية تجبروا عليها. هذا الذي يسمى العولمة هذا يعني يعني في يعني كثير من - [00:01:44](#)

غطرسة وظلم وتدمير لبنية العالم الإسلامي. اقتصاديا وثقافيا وعقاديا بجميع المعاني كثير من معاني العولمة هي فرض فرض قيم ليست لنا ولا منا وارغام شعوب على قبول ذلك. هادشي واضح جدا - [00:02:11](#)

طيب واحد العدد من الشباب كيحس بأنه يعني الأمة تعيش هزيمة وتعيش انكسار شنو هو الحل عندو كيبيدا يتخيل اذا مازال غادية تجي كذا وكذا الى اخره فكبيدا يحلم بمرحلة المهدي - [00:02:33](#)

ولكن الحلم ديالو بمرحلة المهدي ماشي بالنصوص اللي كاينة ثابتة لا. كيما هو باغي يتخيلها فإذن باش يحل مشكلتو خصو يديرو غي حداه علاش هو المهدي يخرجلو فالشام ويخرجلو فالقدس كيما جاي فالأحاديت لا خصو يخرج غير حداه هنا باش يفكلو المشكلة فمكتناس - [00:02:46](#)

فذلك يسهولو هاد النوع من التخيل ويحصل له التجاوب النفسي. وهذا راه واحد النوع ديال العلاج اللاارادي النفساني. العدد العقد النفسية اللي كتوقع للإنسان ولكن المسلم ماشي هادي عقيدتو عندو اساليب اخرى ديال العلاج - [00:03:03](#)

كثيرة جدا ومع الاسف يعني نوليو في درس اخر ونوليو في وقت اخر والا فمن اهم مقاصد الابتلاء نتاعي اش كنتكلمو على العبدية ان تعيش الابتلاء ربي تعالى جعلك فواحد المرحلة من الركود ومن الإنكسار ومن الهزائم تلك نعمة لمن يفقه التاريخ ويفقهه - [00:03:21](#)

التكليفية والتشريعية. انعم الله عليك بأن تكون من هذا الجيل. الذي يقبض على الدين كما يقبض على الجمر شي كبير جدا انك تعيش في قلب الفتن في بحر متلاطم من الفتن والمحن وتبقى مسلما مؤمنا شيء عظيم عند الله عز وجل. واقرأ ان شئت - [00:03:43](#)

اشتقت الى اخواني قالوا اولسنا اخوانك يا رسول الله؟ قال بل انتم اصحابي. اخواني قوم امنوا بي ولم يروني الى ان يقول وان اجر الشهيد منهم كاجر خمسين شهيدا منكم قالوا امنا ام منهم يا رسول الله؟ قال بل منكم - [00:04:04](#)

يعني هادي واحد النعمة كبيرة جدا ربي كرمك تكون من واحد الجيل اللي يشد في الإسلام ويثبت عليه في ظروف صعبة جدا جدا جدا صحيح انكسار القيم والأخلاق معمرو مر فالتاريخ الإسلامي بحال هاد المرحلة اللي كتعيشو فيها - [00:04:21](#)

الاستهتار بالقيم واعلان الفواحش عمرو ما داز فالتاريخ الإسلامي فهاد اللحظة هادي ومع ذلك الحمد لله الخير باقي هذا كيدل على الإعجاز ديال هاد الدين. الدين غريب هذا والله الى دين غريب وعجب. عجب. اعني الإنسان يعني المقاييس العقلية تعجز عن تحليل الظواهر. والله ما تقدر - [00:04:41](#)

عقليا نهائيا كان المفروض بالمقاييس العقلية والمقاييس ديال العلم الاجتماع انه الدين يكون فضة ومبقاش مرض كاع الإسلام لولا انه دين الله ولذلك لما هاد الموجب ابتليت بها اوروبا في القرن الثامن عشر - [00:05:01](#)

راه هادشي اللي كيدوز على المسلمين دابا داز داز في الغرب لي كيعرف يعني الثقافة الفنية والأدبية ديال الغرب المرأة الفرنسية غي البارح كانت كتغطي راسها بالدرة اللهم كانوا عريانيين نصارى ما كانوا عريانيين - [00:05:21](#)

كانو كيغطيو روسهم بالدرة وعندهم الحشومة وعندهم العيب وابن الزنا وابن الحالة كلشي مقاد على العقائد المسيحية رغم انحرافها وجات المدمرات الثقافية ومن وراءها واحد عدد الفلسفات ايدولوجيات فرودية داروينية واحدة ذات ديال الافكار - [00:05:36](#)

بانث بوجه العلم وهي تحمل التدمير للقيم المسيحية تدمير القيم المسيحية خويا تفضي مع المسيحية فخطرة انتهت يعني ماشي المسيحية مسعدة المسيحية مسعدة شحال هادي مفضية لا المسيحية العوجة لي باقي فيها واحد الشوية ديال انه فعلا يعني - [00:05:57](#)

يعني باغين يكونوا نصارى. باغين يكونوا نصارى. تا هداك فضاك من ولات الكنيسة يزوجوا فيها اللواطيين ويعبدوا الله بالموسيقى وشيخ في الضوء كملو تاع قصة الدين في الغرب انتهت علاش؟ لأنه يعني يعني المضادات الحيوية ديال الدين كانت كافية للقضاء على ذلك الدين الهش لأنه ضعيف - [00:06:18](#)

ولذلك انا شخصا ما كيخلعنيش التبشير. والله ما كيخلعني التبشير وقاد بلادك بعدا بشر النصارى دياك هوما لولين بدينك. تيكونو نتوما نصارى بعدا عاد يجيو يداكرو معانا حنا الحمد لله والله الحمد. حنا مسلمين ونتحداوهم. عطيني كنيسة وحدة في العالم - [00:06:46](#)

الصلوات ديالها بالمعنى العوج ديال النصرانية صلوات ولا وحدة ولا وحدة في العالم في الكرة الأرضية وهذه مساجد الله. مساجد الله خمس صلوات اليوم والليلة ولا تزداد الا عمراننا ولا يزداد الخير الا اقبالا من الفجر حتى للعشا - [00:07:08](#)

وفي ظروف ديال الهزيمة مكين عوين كايين الله بوحده سبحانه وتعالى فلذلك راه ربي لي مسير الأمر ديال الدين دياو اجي يسحاب لك شي واحد راه هو لي يعني حافظ الدين ولا كيبيني ولا - [00:07:28](#)

لا دعاة ولا ولا خطباء ولا رعاة ابداء يعني اولئك مستخدمون كيخدمهم الله سبحانه وتعالى ليرضى عنهم. ربي كرمك راك خدام في الدين ولذلك يعني الإنسان مكيعرفش منطق الأشياء وميقراش التاريخ مزيان وميعرفش المسار الحضاري ميعرفش القرآن الكريم ما منطق - [00:07:46](#)

ما طبيعته؟ صافي كيمرض وكيبدا يبعد من النصوص القرآنية والحديثية ويمشي يجيب دين اخر هو. ويجيب الخراف ها ساحة الهديم غاديا تولي اكبر مصلى ها المهدي راه تزداد فالدار رقم شي قالو ليا تتين وربعين عطاوه تا الرقم ديال الدار شي خراف - [00:08:07](#)

شيء شيء غريب كذا الى اخره مع الاسف الشديد مع الاسف انا قصدت نطلب فهادشي هدا باش الناس زعما الحمد لله الامة بخير الامة بخير راه كل شيء كل واحد يدبر غير لنفسو هو واش فراه في الاتجاه الصحيح ولا راه في الاتجاه المعاكس - [00:08:25](#)

يعني بعض الأسئلة الدقيقة نخليها من بعد يعني كيطلبو شي كتوب يعني بعض الإخوان كيطلبو كتب مفيدة جدا في العقيدة

والتفسير يعني كتب كثيرة جدا ولكن معنديش القدرة نختار لهم - [00:08:48](#)

الحقيقة لأنه صعب يعني باش نقولك انا كتاب خاصني نعرف يعني المستوى الثقافي والعلمي وكذا الى اخره باش نعطيك الكتاب اللي

يناسبك هذا شخص اصابه العياء في صيام الاثنين والخميس على حسب ما فهمت فهاد سميتو - [00:08:58](#)

يعني كأنه يعني المدرب يبدأ يصوم الاثنين والخميس الى قرئت مزيان هاد العبارة لأنه داير فيها شي اخطاء نحوية وتغلب -

[00:09:14](#)